

SAKSPAPIR

Saksnr	Utval	Type	Dato
046/21	Formannskapet	PS	02.06.2021

Saksbehandlar	ArkivsakID
Nina Marie Kvamme	21/1047

Kommunal finansiering av leiarressurs for fag og tenesteutvikling i Region Nordhordland Helsehus

Rådmannen sitt framlegg til vedtak:

1. Osterøy kommune sluttar seg til forslag til organisering og kostnadsrammer for 5-årig prosjektstilling til koordinering og leiing av samarbeidet om fag- og tenesteutvikling.
2. Osterøy kommune/føretak sluttar seg til forslag til fordelingsnøkkel og godkjenner dei årlege kostnadene knytt til denne funksjonen.

Formannskapet - 046/21

FS - behandling:

Rita Tveiten, AP, tok opp spørsmål om gildskap i saka som medlem i styret for Helsehuset.

Ordføraren, viste til at denne stillinga ikkje er knytt til styret for Helsehuset og at hennar styreverv difor ikkje medfører ugildskap i denne saka.

AVRØYSTING

Rådmannen sitt framlegg - samrøystes vedteke (2SP,2AP,1H,1SV,1KRF,1FRP)

FS - vedtak:

"1. Osterøy kommune sluttar seg til forslag til organisering og kostnadsrammer for 5-årig prosjektstilling til koordinering og leiing av samarbeidet om fag- og tenesteutvikling.

2. Osterøy kommune/føretak sluttar seg til forslag til fordelingsnøkkel og godkjenner dei årlege kostnadene knytt til denne funksjonen."

Saksopplysningar:

Saksopplysningar:

Bakgrunn

Osterøy kommune er medlem i region Nordhordland og har tett samarbeid med regionen på fleire felt. Eitt av dei store satsingsområda for regionen dei siste åra er Region Nordhordland Helsehus.

Helsehuset opna mars 2021, og tenestene skal vere på plass innan mai 2021.

Styringsgruppa har i møte 18. september 2020 drøfta og vedteke at det skal arbeidast for å få plass ressurs som skal fungere som dagleg leiar/koordinator for det som omhandlar fag- og tenesteutvikling i Region Nordhordland Helsehus. Dette m.a. for å sikre oppfølging av måla som er satt for arbeidet med Kunnskapssenteret og ei felles satsing på fag- og tenesteutvikling. Rammer og arbeidsoppgåver for ein slik funksjon/ressurs er utarbeidd og godkjent av styringsgruppa 11. desember 2020. (vedlagt)

Styringsgruppa drøfta organiseringa og rammer, og det vart m.a. peika på at det bør vurderast om stillingsressursen kan delast opp i to eller tre stillingar, som samla utgjer 100 % ressurs. Det vart vidare presisert at det er viktig å sikra at ein slik ressurs vert forankra inn mot Helsehuset, og at det må tydeleggjerast at ein slik funksjon operer på vegne av alle partar i samarbeidet.

Styringsgruppa støttar framlegg til at ein slik ressurs vert tilsett i Region Nordhordland IKS (tidlegare NUI), med arbeidsstad i Helsehuset og at oppdragsgjevar er styringsgruppa for planperioden. Ved godkjenning av ein slik modell var det semje om at dagleg leiar i Region Nordhordland IKS skal involverast i utforming av stillinga, saman med samarbeidspartane. Det vart i same møte vedteke at kostnader med ein slik felles ressurs skal fordelast på alle interessentane i prosjektet. Styringsgruppa har bede prosjektgruppa utarbeide forslag til vidare prosess som sikrar partane si godkjenning av organisering og finansiering av ressursen, og legge dette fram til handsaming i styringsgruppa sitt møte i februar 2021.

Prosjektgruppa har i møte med arbeidsutvalet(AU) 10. februar 2021 drøfta saka på nytt. Utvalet ber prosjektgruppa arbeide for å kunne lyse ut ei 100% prosjektstilling i løpet av våren. Utlysingsteksten bør tilpassast slik at ein kan ha ei viss grad av fleksibilitet i stillinga, m.a. for å skape rom for ulik stillingsprosent med tilsetjing av ein eller to personar. Korleis dette kan organiserast og tilpassast må avklarast med dagleg leiar i Region Nordhordland IKS.

Organisering, kostnader og finansieringsmodell:

- **100 % prosjektstilling i 5 år.**
Tilsett i Region Nordhordland IKS.
Stillinga kan om ønska delast i to mindre stillingar.
- Årlege forventa kostnader knytt til stillinga, inkl. forventa lønsauke:

	Årleg forventa kostnad i 1.000 kr						Totalt	Basisåret
	2021 - 6 mnd	2022	2023	2024	2025	2026 - 6 mnd		
Lønn	350	718	735	754	773	396	3 725	700
Arb giv avg og pensjon	105	215	221	226	232	119	1 118	210
Kontor areal inkl reinhald, teknisk drift m.v	35	72	74	75	77	40	373	70
Reiser, kurs, kompetanseheving	15	31	32	32	33	17	160	30
Kurs og div inkl møter - lokale og forpleining	10	21	21	22	22	11	106	20

PC, data og mobil	10	21	21	22	22	11	106	20
Prosjektadm - regnskap og div*	21	43	44	45	46	24	224	42
Total kostnad	546	1 119	1 147	1 176	1 205	618	5 812	1 092
*% av kostnadene	4,0 %							
Forventa årleg lønns og prisauke	2,5 %							

Fordeling av kostnader:

- 50% fordelt mellom Helse Bergen, Haraldsplass DS og VFK, der fordelingsnøkkel vert avklara mellom partane.
- 50% fordelt på dei 7 kommunane i Region Nordhordland, med 1/3 fast og 2/3 etter innbyggartal. (sjå vedlagt kostnadsestimat med fordeling av årlege kostnader i 5 år.)
- Delar av kostnadene kan bli dekkja gjennom eksternfinansiering av prosjektet. Ved eventuelle tilskot vil partane sine kostnader med stillinga bli redusert.

Før stillinga kan lysast ut må partane stille garanti som sikrar ei grunnfinansiering.

Partane må kvar for seg sikre naudsynt forankring og finansiering før stillinga vert lyst ut.

Oppfølging etter møte i styringsgruppa 19.februar.

Med bakgrunn i styringsgruppa si drøfting av saka i møte 19.februar 2021 er det utarbeidd ei oversikt som viser fordeling av kostnadene, der spesialist- og tannhelsetenesta dekker 50 % og kommunane dekker resterande 50%. Det er vidare føreslått ei fordeling av kommunane sine kostnader med 1/3 fast og 2/3 fordelt etter folketal. Oversikt med årlege kostnader for kvar av kommunane er lagt ved. Når det er avklara om partane vil stille garanti for kostnader med stillinga, og ei grunnfinansieringa er på plass vil styringsgruppa handsama saka på nytt og vurdere om vidare prosess med utlysing og tilsetjing kan starta.

Vurdering

Osterøy kommune er deltakar i Region Nordhordland Helsehus på lik linje med dei andre kommunane i regionen. Kostnadsfordelinga er gjort ut frå fordelingsnøklar vi kjenner frå andre samarbeidsprosjekt i regionen.

Folkehelse: Helsehuset skal bidra til at OK kan tilby sine innbyggjarar gode helsetenester.

Miljø: Gjennom helsehuset vil OK ta del i kunnskapsheving hos tilsette, også gjennom digitale løysingar. Dette vil få miljøgevinst ved mindre køyring til kurs etc

Økonomi: Ved å samordne og koordinere tenestene blir det mindre kostnad enn om kvar kommune skulle sikre dette sjølv. Vi vil og få lågare utgifter til kompetansehevingstiltak ved å ta del i felles løysingar for dette.

Konklusjon

Rådmannen rår til følgjande løysing:

1. Osterøy kommune sluttar seg til forslag til organisering og kostnadsrammer for 5-årig prosjektstilling til koordinering og leiing av samarbeidet om fag- og tenesteutvikling.
2. Osterøy kommune/føretak sluttar seg til forslag til fordelingsnøkkel og godkjenner dei årlege kostnadene knytt til denne funksjonen.

